



水邨集

詩

~20
1012
1



門和
號
卷
1012
1



水村集卷之一目錄

詩

雪後

清風鶴樓巖泛舟

擬奉和 聖製喜雨詩

其二

海雲臺

望海

拜別權別坐峴還掌山

夜坐

奉別進士從兄奎還京時從兄方寓富平

晚秋登臺

姜叔弼自機張還京寄詩告別次韻以報

其二

曉行

夕投草谷

鳥嶺

龍湫

鳳樓謠

步虛詞

其二

其三

其四

其五

聞太學士有詩銀臺諸公和之用其韻效嘖

尹瑄寄詩次韻答之

夜居述懷

首陽館夜會次白洲集韻

其二

秋懷

水村集
寄金都事

山中暮語

洛中晚晴

病餘自遣

春日有詩

春日呈大而釐從兄

其二

其三

示崔瞻之

走筆送大而從兄先還洛中記他鄉歡會之樂

叙詩酒江山之興情不自己未覺支離凡一

千四百語

宿平遠堂夜吟崔瞻之贈別詩仍走次其韻寄之

代贈

其二

其三

早起

任生者挽

次石洲集韻

登洛東津亭次題樑上韻

題海淑詩軸

惆悵詞三絕代同行大而兄作

其二

其三

戲次金生縈次杜詩

又步前韻

無題

雨中遣懷

又步前韻示社中

次韻金生縈留別追贈二律

其二

步虛詞

延城君李判書

時昉 挽 代作

完南君李相國

厚源 挽 代作

其二

其三

其四

其五

西瓜

將赴關西與具士彬文周別次口號韻

寄鄭子文載道

贈丁亞使道元

六月既望寄姜叔弼

其二

次東溟韻題釋太天詩卷送遊妙香山

效張泌體

其二

次舍弟晉叔陸韻

春日書懷

呈李泰卿東亨

又呈

其二

渡臨津

滿月臺

途中

將發覲行于關西次李景略馮贈別韻

呈文谷伴相

造紙署溪上與曹萬聚殿周呼韻共賦

舟行與晉叔同賦

春日偶吟

首夏同舍兄即席呼韻贈龍淵居士

即事同賦

病裏自題

重興寺次白軒韻題僧軸

夏夜長一首寄舍弟晉叔

病餘寄謝景略

其二

又疊前韻

李進士公著挽

仁同月夜

次答幽谷權督郵庠

贈別永嘉權生廷瑞還家

次韓退之春雪間早梅月課代伯氏作

暮春自湖營向洛馬上口占

春盡日路逢躑躅有感

寄晉叔

禹鼎

石鼓

寄金文伯震奎

偶吟

春望

次答人韻

次舍弟漢儒董韻漫題

呼韻輒賦

次答李子三奮寄贈韻

其二

次韻贈別族姪公輔相元

自公山向懷德緣江石磴十里餘景趣殊勝馬

上口占

晚抵孔巖忠賢書院祇謁獨宿進修齋夜坐有感

感

重陽日到蘿影山空林寺登梵鐘樓

在燕禧寓舍寄洪叔範得禹

擬古二首贈宋子華炳夏

其二

養真堂雨中寄聽流主人

用體素集中韻寄柳季養以井與邊汝厚光載

汝瞻光載同賦

次季養寄詩韻

又次

復次季養韻

再疊

次景略韻

次汝瞻漫吟韻

次汝瞻用谿谷集沙渚秋漁韻

次景略汝瞻相和韻寄報

次汝瞻夜坐偶吟韻

贈別李子三大歸驪庄

其二

其三

其四

士彬宅夜會聯句

復用前夜聯句韻貽贈諸友求和

其二

次答尹季祐之翊寄贈

醉墨堂與漢儒季祐夜坐呼韻

夜會士彬第聯句

其二

洪彝叔受敘挽

其二

洪君則 受範 挽

李通津 敏采 挽

出城

旅夜

途中立春

馬上口占

其二

其三

夕宿瓦洞村

夜聞主人語記實

拜辭先墓

贈別士彬岑縣省覲

用權致道 尚夏 韻又贈士彬

季祐席上醉后吳太素及舍弟共用唐音韻賦

即事

俞叅判 徽 挽

贈別宋子徵 炳文 歸懷川

汝厚家罷歸翌日用體素集中韻呈敬甫 李善

源 兄弟兼示昨會諸益求和

其二

多病牽冗孤負南湖之會吟成首尾吟二首寄

洪九言 受疇

其二

題寓舍壁

病夜

東樓夕懷

傷思

其二

送李士常 恒 赴金城

寄語

悼亡

其二

其三

贈李益之 尚謙 年友

益之又用前韻寄示走次以報

又用前韻寄益之

三月十三日

澹月

杏花

桃花

梨花

楊柳

送春日用白香山閒居春盡韻示漢儒董

四月七日向 昌陵齋所馬上口占

齋庭蒔藥

聞鶯

初服松葉

西郊魚獵次李景略韻

贈堪輿師東隱居士

水村集卷之一

詩

雪後辛卯

銀燭金樽坐夜寒北風吹雪滿長安高樓霽月來相照千樹梨花倚醉看

清風鶴棲巖泛舟壬辰

怪石層層百尺立清江萬里水東流巢空仙鶴去何處唯有白雲巖上浮

擬奉和 聖製喜雨詩

赤甃燒春盡憂災軫 睿衷惠風俄習習佳雨忽濛濛

濛欲識天心格亶由 聖德隆小臣逢上瑞揮翰頌
年豐

其二

望望雲霓已暮春侍臣長仰 彩眉顰甘霖忽沛三
朝洽惠澤仍霑八域均可見國從今歲泰始知天感
我 君仁欣聞白叟黃童語處處康衢擊壤民

海雲臺 癸巳

海雲臺上海雲空萬仞層巖氣勢雄仙去千秋餘落
照客來今日御冷風天低對馬滄波濶地近扶桑瑞
靄通人道清宵笙鶴響有時飛下月明中

望海

碧海莽無涯接天波浩浩願乘萬里風直到蓬萊島
拜別權別坐 峴還棠山

窻梅花放雪初收爲酌金壘破客愁寶瑟嬌歌俱惜
別錦筵紅燭更淹畱回頭路入千重樹分手人登百
尺樓欲問蓬山相憶地海天寥濶月如鉤

夜坐 甲午

小堂清夜深澹月空庭白風送暗香來新梅窻外折
奉別進士從兄 奎 還京時從兄方寓富平

海門春盡草萋萋歸馬蕭蕭向北嘶前夜連床還似

夢異鄉分袂自含悽雲低鳥嶺山光暮水急龍湫雨
色迷千里數行天外字鴈飛猶到桂陽西

晚秋登臺

海天秋已晚携酒獨登臺白鴈霜前至黃花雨後開
鄉園歸不得節序去無廻倚醉一長嘯遙山暝色來

姜叔弼自機張還京寄詩告別次韻以報

冬栢枝頭秋月生小樓簾箔露華清此時夢見北歸
客千里江南傷遠情

其二

梧桐葉落吟蛩冷蘆荻花開叫鴈清水國又看秋色

暮送君無限望鄉情

曉行

山村喔喔曉雞啼行旅相隨逐馬蹄早發不愁前路
險一輪殘月在峰西

夕投草谷

客到山村落日斜雪中喬木見棲鴉一千歸路行將
半猶自逢人問邇遐

鳥嶺

到嶺知名鳥纔容鳥道通絕崖斜抱石危棧細盤空
勢壯秦函比形奇蜀劔同宜興天將歎無策恨申公

龍湫

水有神龍宅深泓鑿石開奔流爭倒射蕩壁急盤迴
噴作青天雨喧成白日雷懍然心自悚不敢近臨隈

鳳樓謠

白麟洲畔翠鳳樓水晶簾捲珊瑚鈎瑯欄素月映玲
瓏滿階花影參差紅樓上人含玉芙蓉樓前對舞雙
金龍洞簫一聲忽飛去靄雲深深不知處

步虛詞

花開爛熳碧桃枝花下真君一局碁淑景遲遲風細
細覆人花影動參差

其二

瑤海茫茫接太空扶桑東望瑞霞紅秦王少女騎丹
鳳下視人間一夢中

其三

琪樹西風葉半凋玉壺秋景亦蕭蕭清宵月色明如
素獨倚瓊樓弄紫簫

其四

珠露金風夜色寒桂花飄地月團團述郎無語欄干
立脉脉西飛有彩鸞

其五

蓬壺閬苑羽人家處處樓臺處處花王母盤中桃似
椀安期袖裏棗如瓜

聞太學士有詩銀臺諸公和之用其韻效頌
禁城春色夜來殘風送飛花雨送寒學士清詩同白
雪一時爭和紫薇官

尹瑄寄詩次韻答之

碧梧黃葉報新秋千里書來破客愁白雪流商誰繼
響青山似洛自回頭荷殘曲沼人登閣鐘盡孤城月
滿樓歲暮關河心不極迢迢鄉路夢中脩

夜居述懷

客居自冷落暝色入虛扁月破浮雲白天連遠水青
霜鐘兼急籟村火類微螢寥闕偏多感憑欄酒復醒

首陽館夜會次白洲集韻

聚散元無定萍蓬會更難相逢今日燕可乏一宵歡
碧樹含霜落黃花帶雨殘盍簪還未易勝迹寄毫端

其二

客中驚歲暮孤館度宵難樽酒成佳會詩篇結勝歡
夜兼秋共盡燈與月俱殘醉吟仍不寐風露入簷端

秋懷

落葉窮秋雨疎鐘半夜燈天涯孤劍遠歸夢亂山層

寄金都事

歲暮遠爲客客懷難自裁
窻明前夜雪階放去年梅
豪氣樓千尺詩情酒一杯
疎簾生好月畱與共徘徊

山中暮語

丙申

宿鳥暮投林山僧獨歸去
鐘鳴人不見有寺知何處
洛中晚晴

小雨霏微陰復晴漏雲殘照翳還明
終南山色添新碧長樂鐘聲倍舊清
花得好風含露軟柳傳芳信拂
煙輕晚來携酒登高望無處春光不繫情

病餘自遣

海國春殘後騷人病起初
露花紅滿塢煙草碧連除
久覺瓊詞少方知玉友疎
竹窻微雨歇終日卧看書

春日有詩

一雨過前郊青青楊柳梢
暖風花簌簌晴日鳥咬咬
節物愁中盡琴書病裏拋
漸看芳草長春燕已成巢
春日呈大而釐從兄

嘯詠來憑畫閣西憶歸心思自悽迷
樓臺過雨殘花落庭院微風亂鳥啼
詩得晚春偏有助酒逢佳境自
多携長安北望雲山隔平楚無邊夕照低

其二

孤竹城邊日政西，滿城芳草使人迷。
春殘海國楊花落，雨歇田家布穀啼。
洛裏青山頻悵望，愁來紅友幾相携。
烏紗不整欄前立，簾幕重重樹影低。

其三

兄弟相隨到海西，故園歸路夢還迷。
朱樓落日看山色，紅雨東風聽鳥啼。
客裏清遊驚漫浪，洛中佳友阻提携。
關河千里憑高望，暮靄蒼蒼遠岫低。

示崔瞻之

海山微雨後，官閣夕陽時。
靜裏偏宜睡，閒中可詠詩。
朱櫻初着葉，紅藥已翻枝。
隱几西窗下，風輕燕子遲。

走筆送大而從兄先還洛中，記他鄉歡會之樂。

叙詩酒江山之興情，不自己未覺支離。凡一

千四百語

自古皆有別，別亦何所悲。
離別固多端，此別吾有辭。
憶我隨家君，西來滄海湄。
滄海上有城，其城名曰碧。
山光秀如眉，水色清如玉。
千家咽歌吹，十里亘樓閣。
不識關河外，有此佳麗地。
中閨孤竹營，大鎮雄西紀。
粉堞雲間橫，朱甍天外起。
伊余坐深館，讀書送日月。
春歸詠落花，歲暮看飛雪。
爲客年光促，對景羈愁切。
地接神仙境，人多詩酒流。
此間崔吳輩，清才傾一州。

相逢如舊識歌詠還相酬維時夢池草相憶如參商
回首望日邊長安天一方吾兄此時來握手豁離腸
邂逅久別餘驚喜還茫然日暮夜秉燭談笑開華筵
秋風並袂遊春月同床眠荷堂鏡中開金碧照池塘
葉翻翠蓋張花艷紅粉香雨來玉露團月明金影涼
最憐秋霜後摧折凋芬芳人言許氏亭清絕臨溪水
並轡出城隅路入長松裏依微水村幽林末山烟翠
主人出相迎登亭景瀟灑石上青松古階前碧流瀉
巖楓耀九秋渚柳蔭長夏魚躍深潭靜鷺飛青山晚
登臨望天末海闊闊疊巘持杯詠新詩相對樂忘返

胸襟多脫略醉語人共驚瞻彼首陽山蒼翠何崢嶸
携酒上其上訪古一長嘯夷齊今已去薇蕨老山嶠
空餘二子臺千載來登眺茲山峻且險古人曾築城
城東石壁上懸瀑雲外橫飛流掛千尺倒瀉何轟轟
勢若虹霓起響如鯨鼉吼噴珠散紫霞亂灑射青岫
爲問廬山瀑能得勝此否砮崖轉大石萬壑鳴晴雷
飄然倚古松洗盡胸中埃何山訪古寺牛耳高崔嵬
騎驢倒接羅出門行且吟紅葉覆石逕白雲生層岑
山空碧洞幽水匯清溪深肩輿入寶界縹緲三天低
金壁照佛畫繡楣明璇題突兀數十殿一覽還自迷

水木集
積土爲峰壑云是天台山星龕五百佛羅列坐其間
平生延賞興對此開塵顏問僧何代寺共說胡元初
夢感石佛言於此結搆壯陋哉當時事摩挲獨惆悵
夜深宿高閣爽然無魂夢風微石磬清月白珠露重
明朝拂袖歸山鳥啼相送城南千仞山共上望遠海
極目萬里際片帆雲天外提携下沙渚桂棹磯邊待
爭呼幕賓來復携美人登山春錦繡映水晴琉璃澄
佳期並二難逸興還相乘清歌雜絲桐妙舞隨長笛
金盤膾白雪玉杯斟琥珀新粧照明鏡錦紋浸紅白
醉後作水戲壯士紛踴躍分曹賭勝負拍手爭喧呼

蘭橈擊空明畫角驚天吳耽歡不覺暮玉輪已生影
蒼茫碧樹圓蕩漾金波冷酩酊競歸來駿馬城前騁
聞道廣石好廣石在何處白石平可坐碧溪萬里去
中有濯熱亭六月無炎暑清流鋪明錦激湍灑飛霜
解衣洗塵垢濯足歌滄浪溪邊浣紗女亦有苧蘿娘
客言水窮處巖石益奇絕躡屩卽相尋逸思何超忽
鳥飛花自落山深水空咽仙區秘不得却疑迷桃源
相携悵然歸鐘鳴晝已昏又謁兩賢廟文憲與石潭
風詠學時習歎逝道可談聖路此不泯私淑期永欽
隱屏精舍古千秋有安宅山水樂仁智武夷流九曲

禮樂盛揖讓杏壇羅多士敬上聽溪堂詠歸依倚是
光風楊柳絲霽月梧桐枝猗歟兩先生可作百代師
如薰座上春再拜挹清芬王風日凋喪誰人識聖門
向來景仰懷瞻想尤起慕淵州陪巡遊形勝傳千古
桂渚駕樓船西下滄溟滸虹收秋雨霽夕陽飛白鷗
明沙淨如練十里棠花洲洲邊白雪峰皓皓松間見
山勢逐風移陵谷須臾變峰頭駐玉節五馬爭來趨
雲幕列綺羅繡筵喧歌竽迢遙興未酣醉起看日落
金烏蕩銀海紅光射人目顛倒促歸駕遠樹生暝色
相將到金沙寶刹披煙霞真僧誦珠經法門長雨花

朝別琳宮去暮指龍井涯龍井深莫測神物其中在
求晴又求雨異事傳百載豐松兩先墓歸路得拜謁
荒蕪久不修去歲改碑碣前登主山望周遭秀而豁
子孫繼簪纓餘烈賴祖先歸驂又并州客裏行役倦
關山踏已盡勝地看始遍東湖樂遊魚栢亭射觀德
清風樓上風邀月堂前月樂事有時有好景無處無
得意自佚宕携友忘爾吾清樽酌綠酒翠幕張紅燈
望雲弟思切步月兄愁凝槐黃迫此際鍊玉會詩朋
馳才閑戰壘奏捷受降幡兄詩清且高未嘗乏詞源
瓊篇晝同賦綺語夜共論啓程知不遠聯袂以爲期

世故本無常吾兄今獨歸他鄉漫浪興到此還依倚
鳴川送別路征馬當風嘶淹留惜分携秋思轉悽悽
遙知別後夢長在煙郊樹秋高弟亦行洛社重相聚
宿平遠堂夜吟崔瞻之贈別詩仍走次其韻寄
之

白雲明月動高秋千里相思碧海頭靜夜蕭蕭聞落
葉又添離客一端愁

代贈

碧城歸路為同
行梁時孟作

空庭落木響蕭蕭離思逢秋轉寂寥十二曲欄明月
夜玉人何處倚鸞簫

其二

風動庭梧錦葉寒一簾疎月曙燈殘青天碧海秋宵
夢長在瓊樓十二欄

其三

碧城千里阻佳期雲雨西州費夢思最是別懷難遣
處曉樓殘月獨登時

早起

曉枕驚殘夢寒鐘促曙光窗紅朝上旭庭白夜來霜
烏几披緗帙猊爐爇寶香臘梅新破萼始覺近春陽

任生

者挽丁酉

門戶漸零替今君又九原有親悲白髮無子繼青氈
冥漠修文會淒涼薤露篇那堪過拱北花落舊堂前

次石洲集韻

階下寒蛩唧唧鳴小堂簾箔露華生西風吹落庭前
木蕭颯還疑過雨聲

登洛東津亭次題梁上韻

江樓飛出白雲間獨上危欄俯碧灣曾向蓬萊從此
路水光山色揔前顏

題海淑詩軸 戊戌

身逐野雲浮心同秋月白笑爾亦何事來往風塵陌

惆悵詞三絕代同行大而兄作

玉爐香歇畫屏空虛館深宵燭影紅吟夢不知春意
早也尋梅信到城東

其二

一別真真畫裏容漫畱香佩寄仙蹤欲憑青鳥傳消
息此去蓬山路幾重

其三

離夢依依到碧窻碧窻寥閨對銀缸香飄寶篆凝仙
帳酒滴真珠滿小缸

戲次金生縈次杜詩

莫沾香夢綠楊煙行雨行雲楚峽天春意也隨明月
影夜來流照碧窻邊

又步前韻

花信風來雨濕煙一聲誰送鷓鴣天春還嶺外多歸
思獨上高樓望日邊

無題

多情九疑山罨畫瀟湘浦中有羽衣仙爲雲復爲雨
雨中遣懷

習習春風起霏霏暮雨兼忽看花意動尤覺旅懷添
計活餘黃卷閒愁付黑甜歸魂頻化蝶飛度萬山尖

又步前韻示社中

美酒佳賓併清風素月兼新詩春更滿幽况病還添
世路看榮落人情飽苦甜憶歸頻悵望天末遠峰尖

次韻金生縈畱別追贈二律

愛君詞藻出人羣手把吳剛白玉斤嶺外偶成詩酒
會日邊今作箭弦分東城雨放臘脂萼南浦波生錦
繡紋別後春風無限意九疑山隔萬重雲

其二

騷壇邂逅日相隨錦繡心肝玉雪姿共醉一樽明月
夜忽分雙袂落花時鄉山歸路千重樹春社離情七

字詩何處人生不相遇世間離合本難期

步虛詞

玄契茫茫寂未求終教大素秘丹丘超塵自有凝真訣何用辛勤訪十洲

延城君李判書

時昉

挽代判書公作

奕世俱勲烈名臣是典刑中興扶漢社際遇冠周廷
八座宜才望 三朝荷 寵靈忠良倚柱石籌畫鎮
藩屏棠棣聯裴墅芝蘭列謝庭丹心雙鬢白素業一
羶青政屬艱虞日何慳七十齡崇班阻台斗中夜返
箕星巨創沉痾發浮生大夢醒邦家今歿瘁喬木漸

凋零麟閣遺圖像鴻功溢鼎銘 聖情悲速奪 恩
渥渙重冥托契曾開抱論襟久忘形龍門頻下榻駟
路共登亭尚恐前遊憶那堪故宅經海山歸旒遠揮
淚望玄扃

完南君李相國

厚源

挽

代判書公作○庚子

雅望兼勲業清朝仰老成忠存扶 社稷德著秉句
衡懇欵憂時切周詳察事明風流那再覩箕尾返精
英

其二

開濟三朝志黃扉德業光安危關用舍休戚任存亡

棟折吾誰仰山頽世共傷
九重偏震悼臨絕有封章

其三

德重終膺福官尊奈嗇年
傳家雙白壁遺業一青氈
荆樹凋花萼琴床落鴈絃
登龍舊時客那忍過門前

其四

敦睦自先世情深叔姪親
爲緣誠意款曾許肺肝陳
睽阻長勞夢團圓幾吐茵
篋中存舊札披讀每悲辛

其五

不謂遽如許問天胡至斯
承顏纔數日握手便長辭

豈止親知慟堪與殄瘁悲
佩符違執紼臨輓倍漣洏

西瓜

異種初從博望槎手剗青玉
嚙丹砂神仙若識清冷
味雪藕冰桃未敢誇

將赴關西與具士彬

文周

別次口號韻

未見長安城裏春忽爲涇江江上人
江上有樓高百尺幾回把酒望咸秦

寄鄭子文

載道○辛丑

槐市叅疏記往年向來消息兩茫然
人間聚散何曾定關外逢迎亦是緣
料峭東風開雨雪聯翩北鴈在

水村集
春天知君才格高無敵漫興西遊賦幾篇

贈丁亞使

道元

青油仙客是令威才格飄然筆若飛西關地接遼東
柱莫效前時化羽衣

六月既望寄姜叔弼

每憶蓬山會三秋海上遊看花多並袂得酒共憑樓
往事渾如夢浮生祇益愁淚西今夜月惆悵各回頭

其二

淚水南流碧飛樓蘸影空江清偏好月欄迥自冷風
詩酒時牽興登臨恨不同如何俱塞外亦自阻西東

次東溟韻題釋太天詩卷送遊妙香山

蘋颺颺鴈南廻西塞秋聲昨夜來安得飄然隨爾
去妙香明月醉仙杯

效張泌體

霞裾月珮紫鸞簫縹緲蓬山夢裏遙青雀不回秋夜
永滿窻風露葉蕭蕭

其二

楚楚衣裳淡淡粧嫣紅一朵耀新芳春羅玉字無消
息明月瑤臺夢亦香

次舍弟晉叔

陸韻

江城何處起寒笳歸夢秋來不到家落葉有聲蟲在壁滿窗風露月西斜

春日書懷

壬寅

桃花落盡杏花殘潦倒城南獨掩關終日悄然無客到春愁和雨上眉端

呈李泰卿

東亭

南巷殘春獨掩扉桃花漸謝杏花稀今宵好作通宵話見月吾當步月歸一別已添新甲子兩人猶着舊麻衣與君朝暮頻相訪浮世光陰速似飛

又呈

雀羅何必設衡扉非獨人稀雀亦稀世態浮雲多變幻年華流水競催歸愁拈秃筆時成句醉惜殘花自滿衣竟日蕭然無一語卧看簷外燕飛飛

其二

朝暮相尋叩竹扉聲音不向雀羅稀天時衮衮春將盡人事忽忽客未歸射策羞登紅粉榜趨庭喜着老萊衣西遊倦把箕城酒花暖江樓柳絮飛

渡臨津

三月臨湍躑躅紅短舸催渡夕陽中江神定笑吾行色底事奔忙西復東

滿月臺

一回登眺一回嗟千載興亡似壑蛇匹馬獨來還獨去
去山禽飛落野棠花

途中

山花落盡子規啼平楚微茫夕照低一縷細風吹客面
面半和春睡到溪西

將發觀行于關西次李景略贈別韻是日臘日

臘日暉暉短冬飈獵獵寒政當時節暮尤覺別離難
歸及煙花發行將雪月看明朝各千里回首路漫漫

景略亦將發湖西之行

呈文谷伴相

三十文衡古未聞妙年才思藹春雲騷壇獨秉千
筆冀野都空萬馬羣猥把蕪詞酬傑句幸陪蘭室襲
餘薰明朝冠盖龍灣去幾上籌邊望統軍

造紙署溪上與曹萬聚殿周呼韻共賦癸卯

人在溪山畫裏秋此行何異謝公遊提携共卧松間
石散盡紅埃赤日愁

舟行與晉叔同賦

白蘋風起白蘋波江浦蒼茫鷺立沙一抹青煙汀樹
裏舟人指點雨中家

春日偶吟 甲辰

小雨霏微濕暮煙漢城春色媚清妍
參差花柳粧園落多少樓臺咽管絃
若箇遊人珠絡馬誰家行客杖懸錢
唯憐閉戶南山下終日寥寥獨草玄

首夏同舍兄卽席呼韻贈龍淵居士

山客衣霑山雨寒到城今日未曾乾
喜聞桑柘開開味興入雲霞簇簇巒
千仞瀑邊開小屋數叢花裏掃層壇
他年準擬携家去剩借仙源十畝寬

卽事同賦

積雨弄春色夜來花滿城
閑簾看草綠閉戶聽鶯聲

未作稽山會空思賈島行
新林好泉石何日可歸耕

病裏自題

虛榻塵凝草上階
卧聞窗外鳥喈喈
門前已絕楚音久分付兒童密掩柴

重興寺次白軒韻題僧軸

松濤偏向佛窻喧更有清溪吼洞門
山客未眠僧入定上方明月吐層軒

夏夜長一首寄舍弟晉叔

人言夏夜短我覺夏夜長
病客苦無睡嘔呻卧空床
紙窻暗如漆孤燈耿少光
隣雞口已噤曙鐘聲久蔽

童子垂頭睡呼之答復僵獨自起還卧忽忽心欲狂
開窗望天色滿空星斗凉况當無風時漏籌亦不揚
合眼試欲眠百慮勞肺腸家君萬里行不暇有所傷
稚兒隔絕久啼聲如在傍固知似見女欲忘不能忘
因思曩日事堪笑亦堪傷浮生似風燭至人貴道昌
功名等雞肋底事苦奔忙誓從今日後歸棲山水鄉
舉目送飛鴻濯足歌滄浪採芝携玉童食霞漱瓊漿
此志定已牢心灰名利場他年若來訪叱石可成羊

病餘寄謝景略

急人高義薄層雲生歿論交我與君可使梅兄無竹
弟從知蕙歎爲芝焚自憐清習詩難謝猶喜豪情酒
不羣繼此騷壇會勁敵問誰云是舊將軍

其二

病緒長憑古簡排城南一夏掩荆柴樑間白月逢佳
友門外青山借好懷苦詠漸生工部瘦孤居自笑太
常齋呈詩莫怪違前約已覺吾才退八叉

又疊前韻

坐對無心出岫雲忽然歸思似徵君芝歌桂壑高長
往芟製松關陋自焚郭外青山寧負我沙邊白鷺可
爲羣會稽他日逢真侶書贈黃庭是右軍

李進士 公著 挽

妙年芹泮動詩聲詞翰從遊七歲更天上玉樓催作
記人間金榜未題名終孤伯道傳家望誰慰安豐撫
樞情依舊巷南同榻地忍看秋月屋樑明

仁同月夜

角罷轅門靜青山送落暉高樓人北望明月鴈南飛
螢火隨風冷蛩吟帶露微病懷將別恨孤坐夢荆扉

次答幽谷權督郵

白帝威增青女彊北風驅鴈燕辭梁詩應神助樓初
奐病值秋蘇夜更良素月將殘蟲語老黃花已瘦葉

飛忙官樽頗有如澠酒如海羈愁得暫忘

贈別永嘉權生 廷瑞 還家

秋雨蕭蕭濕菊花此時遊子告還家霜前白鴈催寒
信天外青山指永嘉執袂今朝愁贈策倚樓他夜獨
聞笳題詩為謝黃庭寫價比籠鵝幾倍加

一冊子
故云

次韓退之春雪間早梅 月課代伯氏
作○乙巳

寒梅早放春微雪晚來因爛熳光輝瑩玲瓏境界新
綴珠粧小塢霏玉壓纖塵冷影歌移樹清香暗着人
剪裁片片飛灑漸頻頻灞岸詩何耐羅浮夢是真

水村集

迎風紛起舞得月巧傳神撩亂初相妬輕盈乍自親
呈祥添勝槩催信報芳辰携作晴窗伴長傾瑞露珍

暮春自湖營向洛馬上口占

雨歇江南燕子飛落花飄絮點人衣青春忽負同歸
約不待人歸已自歸

春盡日路逢躑躅有感

驢背詩裝向故山夜來微雨報春殘東風爲惜芳霏
盡畱得餘花慰客顏

寄晉叔

霏霏凍雨欲成花山下青煙濕萬家人靜藥欄無客

到掩門終日聽啼鴉

禹鼎自此二首月課
代人作○丙午

吾聞古夏后至德天地並聖作萬物觀大噐初鑄鼎
三足象何義九金收幾錠下燭神姦秘上假天帝迴
重比玉衡齊寶與河圖等自夏暨殷周有道斯有脛
卻楚詎敢問就秦終不肯嗚呼難再見泗水千秋冷

石鼓

吾聞周宣王乃是中興主大騁岐陽蒐鑿石仍作鼓
隳山列十處勤功告萬古辭嚴感鬼神字奇拏龍虎
惜遺宣聖編喜免狂秦取歷代無人愛野火兼山雨

水村集

卷一

詩

二十二

伊我性好古不減昌黎愈安得夸父力移來置東土

寄金文伯

震奎

雪消風暖小堂閒多病相如獨掩關春色逐人來錦
水梅花隨蘧滿公山親朋嶺外空勞夢詞客江南且
未還賴有一輪明月在窻前夜夜對君顏

偶吟

脉脉東風細雨斜捲簾終日岸烏紗人稀山館唯聞
鳥春半江城未見花後壑煙蘿通佛寺前汀沙竹對
漁家長卿多病清遊少閒却銀鞍白鼻騮

春望

芳草喚愁愁不窮郡城西畔小橋東村煙半濕催花
雨江燕交斜劈柳風跨馬客歸山影裏倚樓人在水
聲中詩從夔後多神助吟到春深更覺工

次答人韻

江城處處見花飛岑寂東風病掩扉一帶青山芳草
路問君誰與訪僧歸

次舍弟漢儒韻漫題

垂楊拂地亂鶯啼夢罷高樓歸思迷細雨飛花村遠
近暖煙芳草水東西春如棄我無情去詩爲逢君得
意題霽後憑欄獨回首亭亭落日下江堤

呼韻輒賦

昨夜花飛昨夜風可憐春事轉頭空荷生後沼浮錢
綠榴吐前階剪綵紅雜雨灘聲喧郭外帶煙山色滿
樓中境非吾土渾無賴一醉孤吟錦水東

次答李子三禽寄贈韻

遠別何時了相思又一春夢回聞喜鵲書到有來人
拙學那超俗清詩不染塵要須各努力觀國早充賓

其二

忽忽愁爲客依依惜送春北樓瞻故國南谷夢騷人
近水煙浮渚遙山雨洗塵與誰同勝賞明月當佳賓

次韻贈別族姪公輔相元

錦江煙樹引仙輶命詞臣作一遊芳草上袍行
近水好山當馬爲登樓鶯殘驛路梅迎雨蠶老田家
麥欲秋知爾王程初有限莫將詩料惱鄉愁

自公山向懷德緣江石磴十里餘景趣殊勝馬
上口占

隱隱青山繞郭斜登登石路傍江賒白鷗沙畔溶溶
水紅蓼洲前點點家拖雨雲煙籠晚樹染霜叢薄照
秋花行行應接還無暇始信長康不是誇

晚抵孔巖忠賢書院祇謁獨宿進修齋夜坐有

感

先哲蔽修此妥靈拜瞻賢廟為停行池塘秋到蓮空
謝庭院風來竹自聲大道古今元不老丈夫天地豈
虛生惺惺獨坐書齋夜無限楊朱泣路情

重陽日到蘿影山空林寺登梵鐘樓

未遂摳衣計先成蠟屐遊蕭條落帽節牢落梵鐘樓
野菊深山少巖楓近水稠呼僧問前路指點亂峰秋
在燕禧寓舍寄洪叔範

得禹。丁未。

松下柴扉寂寞閑高齋寄在洛城隈燈前聞興繙遺
籍雪後奇觀上古臺節序驚心春又動江湖滿眼月

初來知君一病緣幽獨携酒能忘折野梅

擬古二首贈宋子華

炳夏。己酉。

有鳥何翩翩來棲漢陽樹漢陽多凡毛獨振五色羽
倦逐玉樓遊肯向金門度知是希有鳥却與大鵬遇

其二

鳳與鸞相愛蘭與芝相悅文章共炳煥氣味同芳烈
物然人亦然有友如膠漆若問友者誰將吾兩人說
養真堂雨中寄聽流主人

暮煙秋色鎖溪扉信宿終南客未歸知爾草堂樽酒
在肯嫌山雨滿蓑衣

用體素集中韻寄柳季養以井與邊汝厚光載

汝瞻光載同賦

獨騎羸馬聳肩行行訪終南小築成絕壑吐雲和雨
色鳴泉瀉石雜松聲漁樵孤負初年計詩酒虛傳半
世名我有青山歸未得自憐營屋寄秦城

次季養寄詩韻

黃河萬里瀉胸懷得我忘形且外骸高唱動人同郢
曲怪辭驚衆雜齊諧剖肝瀝膽憐吾友當面輸心笑
俗儕清夜山陰可乘興莫教溪逕白雲埋

又次

披褐誰知珠玉懷憂時十載病纏骸道希賢聖功難
就志在君民事不諧想望古人期尚友切磋今日望
吾儕男兒未了平生業莫學劉伶成便埋

復次季養韻

山雨洗松石終南看更佳宿雲生竹塢新月上梅階
庭睡三清鶴池鳴兩部蛙坐來詩自就不待費安排

再疊

夜雨今朝歇山家事事佳引泉通藥圃移石護花階
地僻來幽鳥池荒有亂蛙塵愁自不到何待濁醪排

次景略韻

聯翩玉宇照瓊函愈得頭風勝面談病客秋懷生夜
雨山家曉望在晴嵐窮還有鬼揶揄笑詩自爲人性
癖耽七夕聞君能曬腹何須身到秘書監

次汝瞻漫吟韻

愛爾山居勝依林起草堂垂蘿新洗雨裁菊已迎霜
地僻冬猶暖溪深夏亦涼時逢詞客至終日討文章

次汝瞻用谿谷集沙渚秋漁韻

小溪秋水雨餘肥閒把漁竿下石磯一縷晚風吹渚
樹墮來黃葉滿人衣

次景略汝瞻相和韻寄報

終南山在夕陽中
秋思蒼然望不窮
匝地煙陰連苑
暮半天霞彩與江
通寒蛸抱木吟殘
露霜鴈舍蘆
叫遠風遙憶草堂
臨漢渚賦歸何日
得明農

次汝瞻夜坐偶吟韻

獨坐草堂夜遲遲
山月生傍簷松偃
蹇臨水竹欹傾
病榻如秦贅詩窻
有越聲蕭然不成
睡殘燭照三更

贈別李子三大歸驪庄

君是大家子自然
眉骨殊清風皎玉
樹寒露照冰壺
氣宇古人似才華
今世無多慚叨未
契沙礫混明珠

其二

才子携家去尊公賦遂初高秋歸故里明日動行車
後圃仍收栗前溪可釣魚知君文史足勤學在三餘

其三

聞說驪江好君行正值秋清心樓上笛神勒寺前舟
木落層波濶天空斷鴈浮終南山漸遠歸去幾回頭

其四

泣血餘生在知心獨有君那期今夕會又作隔年分
別夢殘燈伴離懷落葉聞他時憶李白日暮望歸雲

士彬宅夜會聯句

寒梅破臘雪初消虛閣青燈夜寂寥大南巷故人能

辦會北隣詞客肯嫌招壽湖中風月經年夢洛下杯

觴此日饒彬浮世一歡寧易得不妨相對送良宵致道

復用前夜聯句韻貽贈諸友求和

臘盡長安凍欲消訪梅閒興夕寥寥孤吟白雪誰同
調高會黃墟幸見招詩以豪名劉夢得醒猶狂態蓋
寬饒春來斗酒謀諸婦更向城南辦一宵

其二

寒鴉飛盡暮煙消山下柴扉掩寂寥柳意寢嬌携酒
弄梅魂欲謝賦詩招城中佳趣終南在雪後閒情灞
上饒聞道錦囊千首富願將瓊什度長宵

次答尹季祐之翊寄贈庚戌

抱病驚春色年光不我饒
唯憐謝眺宅近接許渾橋
細菜盤中薦殘梅
蘂裏凋終南文字飲須趁月明宵
醉墨堂與漢儒季祐夜坐呼韻

春至雪猶在夜深星斗寒
山光虛檻入樹影半庭團
靜趣我先覺幽愁君自寬
今宵賒月色留待上元看

夜會士彬第聯句

良宵好會摠佳朋相對知心一點燈壽吾輩交情看
若水主人風味驗如灑致閑襟穩話吟眉展促膝高
譔醉興乘士雪月滿庭清透骨灑然身在玉壺冰大仲

其二

再會城南宅新生雪裏春大仍逢今夜月相對去年
人彬放浪寧隨俗謹諱自任真壽箇中清興足杯酒
莫論巡致

洪彝叔受敬挽

君我行年較一周潘郎始見二毛秋才高白雪無同
調命薄朱衣不點頭泉下豈知多樂事樽前永痛失
詩流春來淚入荆花濺子敬先亡繼子猷

其二

交結平生好弟昆愛君風味最溫溫年來幸與居同

里雪後曾扶病叩門欲斷牙絃先掩淚未聞隣篴已
傷魂梨花細雨終南下無復論文酒一樽

洪君則 受範挽

病裏重題薤露詞送君兄弟去相隨人才自古多窮
天天道何曾感孝慈已識槐陰將滿地祗憐荆樹半
摧枝他年海上尋雙墓草宿吾寧捨一悲

李通津 敏承挽

玉弟金昆邁五常妙年華聞白眉良爭看碧海鵬初
舉忽報丹青鳳已藏縣舍未回仙舄影朝衣猶帶御
爐香人間不盡親朋痛更把何辭慰北堂

出城

已見歸鴉噪晚城獨騎羸馬出秦京江頭積雪寒風
緊天畔遙山落照明歿別人生唯有淚羈遊歲暮若
爲情行行默數湖中路此去伽椰四百程

旅夜

悄悄坐無睡孤燈寒夜深存亡不禁淚節序更關心
吟劇詩仍就愁多病欲侵呼童開戶視月落已橫參

途中立春

徂歲如流水今朝又立春誰家生菜細舊俗土牛新
暗識灰移管行看斗建寅有詩非帖子聊復記佳辰

馬上口占

莽莽郊原濶悠悠道路遙
旅懷元索莫行色更蕭條
倦馬頻勞策危難累怯橋
有村須早憇殘日易西凋

其二

積雪覆長路野風吹我衣
春從昨夜動客向故山歸
日暮宿禽疾天寒行旅稀
遙看煙起處浦上有柴扉

其三

朝發水原府暮投平澤村
層冰橫古渡喬木立荒原
寓目清詩發潛心妙境存
有奴今白髮迎我拜柴門
夕宿瓦洞村

小峽隨山曲荒村柿作林
疎籬聞吠犬落日見歸禽
率爾詩成興適然境會心
平生棲隱計隨處費長吟

夜聞主人語記實

夜與主翁語苦稱年事荒
結棚長警盜收橡只充糧
賦役雖蠲減村隣半在亡
傳聞議賑貸感祝視如傷
拜辭先墓

辛亥

寂寞空山松栢哀將辭
不忍更遲回伽椰溪水同心
事嗚咽相隨出洞來

贈別士彬岑縣省覲

趨庭爾着老萊衣好是青春
作伴歸山迴雞籠殘雪

在江寒白馬早鴻飛行時定識奚囊富別後那堪驛
使稀分手自然懷抱惡近來人事已全非

用權致道

尚夏

韻又贈士彬

一片梅花月依依掛冷枝清輝屋樑在分慰兩鄉思
季祐席上醉后吳太素及舍弟共用唐音韻賦

、卽事

偶然步履來相訪一坐論襟摠故情海內知音真至
樂世間無用是浮名雨過紫陌花將放雲捲青山月
已生景物漸佳家更近莫辭乘興渡溪行

俞叅判

徹挽

哭公偏切哭吾私先輩如今更有誰半世官清都御
史十年情厚故人兒恢恢德量無畦畛斷斷忠心一
險夷從此西州門外路落花時節淚頻垂

贈別宋子徵

炳文

歸懷川

寒食東風燕子頻灞橋楊柳拂行輪晨星落落傷分
日煙雨霏霏欲暮春滿地花如離夢亂連天草喚別
愁新相携莫怪輕垂淚祖席如今少一人

汝厚家罷歸翌日用體素集中韻呈敬甫

李善

、源

兄弟兼示昨會諸益求和

登臨處處坐頻更東岳園林海內名萬戶樓臺供晚

水村集
眺一城花柳動春情樽開松下清風至杖倚溪頭片
月生強欲題詩畱石壁媿無佳句使人驚

其二

霏霏春雨濕殘更閱遍山花不辨名好事能忘前夕
會清詩可見故人情芳林靜處移碁局幽鳥啼時對
麴生莫詫身爲城市隱謫仙風彩世曾驚

多病牽冗孤負南湖之會吟成首尾吟二首寄

洪九言 受疇

坐看春事向闌珊風落桃花點地斑又負南湖今日
會浮生能得幾時閒

其二

浮生能得幾時閒吟病城南獨掩關柳暗前橋鶯語
老坐看春事向闌珊

題寓舍壁

喚愁芳草綠萋萋屏迹終南十日棲山鳥不知心緒
亂夕陽窻畔向人啼

病夜

人間萬事摠傷心獨伴孤燈到夜深悽斷病懷仍不
寐卧聞風雨滿西林

東樓夕懷

水村集

卷一

詩

三十三

相思不見獨徘徊心事尤從病後哀
情向東樓無語立棲鴉空帶夕陽迴

傷思

欲眠不眠夜深淺一聲何處離羣鴈
病懷悲思苦悽悽客窗唯有燈相伴

其二

秋夜沉沉不肯明陰蛩切切伴人鳴
世間無限傷心事詩未能形畫未成

送李士常恒赴金城

蓬壺近接使君居自是仙區與世疎
山月夜生公署

靜溪雲晝傍訟庭虛門前只有尋真客
案上空留乞藥書東閣官梅方待臘
一枝須寄病相如

寄語

寄語恩山李子三別來何以到湖南
天寒行役能無恙歲暮離懷轉不堪
漢水新梅春欲動灞陵殘雪凍仍舍
此時對月遙相憶沽得村醪獨自酣

悼亡壬子

浮生如月復如花花易飄零月易斜
始覺世間都夢幻幾人能得駐韶華

其二

生前才行絕人羣身後淒涼孰似君
曉露風燈零落痛桂陽山下一孤墳

其三

浮生草草露翻荷長夜悲吟牧犢謠
兩卷黃庭一樽酒定將身世寄漁簑

贈李益之

尚謙

年友

客到終南山下家春城着處矜繁華
東風忽送多情雨畱得詩人賞晚花

益之又用前韻寄示走次以報

廣陵詞客未還家隨處詩情感物華
風雨一番春欲

老杏花飛盡又桃花

又用前韻寄益之

楊柳依依暎萬家坐看風雨殿韶華
可憐孤負西鄰會落盡庭前滿樹花

三月十三日

一夜東風細雨過滿城春色晚來多有錢
沽酒莫辭醉不飲其如花落何

澹月

月色籠煙澹花陰在曲欄依微不明白
疑是夢中看杏花

消息初傳夜雨聲萬家籬落一時明娟娟自作春風
面能使香心滿洛城

桃花

灼灼輕紅照粉腮落如金谷墮樓哀漢家宮女偏相
妬莫向昭陽殿裏開

梨花

庭院溶溶月似霜子規來斷玉人腸朝來千點瑤臺
雪吹落春風十里香

楊柳

和雨香街初種時擬將行袂繫煙絲如何今日勞勞

者爭折長條贈別離

送春日用白香山閒居春盡韻示漢儒

董

垂柳陰陰護半扉病棲窮巷故交稀東風有意堂堂
去西日無情冉冉歸紅惜階花如老面綠嫌庭草似
朝衣殘鶯亦解芳菲盡啼向愁人坐不飛

四月七日向 昌陵齋所馬上口占

殘花落盡草萋萋路入延時古驛西斜日獨行人不
見兩邊山木子規啼

齋庭時藥

睡罷扶筇竹鉏荒領小溪決明栽近砌蘇葉種宜泥

疊石防頽岸疏泉灌小畦此身真吏隱齋室即幽棲

聞鶯

黃鸝愁絕戀春風似惜閒花一夕空何處詩腸聞鼓
吹綠楊如夢小橋東

初服松葉

芝草飢難療松枝葉可嘗入春凝杵綠和水滿杯香
自有延年術何勞餐玉方從今草堂老不復愧空囊

西郊魚獵次李景略韻

山齋高卧北窗風睡起尋溪到水窮跨馬客來芳草
裏玩魚人在綠陰中預愁落日君將返最惜殘樽酒

易空莫負清秋重作會黃雞啄黍解兼豐

贈堪輿師東隱居士

千里江山一眼空自言遊遍海天東神經獨誦青烏
子異客曾逢白兔公瑣瑣崔丁爭倒屣紛紛潘李幾
趨風相携欲覓真源去雲末螺鬟指點中

水村集

水村集卷之一

水村集卷之二目錄

詩

昌陵齋舍示汝瞻

夜坐次汝瞻韻

次汝瞻韻

醉次洪于海萬宗贈韻

和終南修稷詩

醉次于海所示諸公唱酬韻

昌陵齋舍次李可成商翼寄示韻

其二

水村集卷之二

目錄

又和眠字韻

其二

其三

其四

其五

寄吳子明九星借道書

次李皓卿漢翼

其二

暮行

感懷

遇雪

伽倻寺

馬上口號

將向桃源次汝瞻留別韻

三月廿六日發向桃源出城作

馬上口占

其二

平丘驛感舊

春江

廿七日道中遇雨

漫吟

江上春雨

記見

春盡

夜直將作用蓀谷韻述懷

代贈

其二

其三

汝厚第夏夜書懷用東坡定惠院韻

次樂甫李憲兄韻

西江叔範寓舍贈別

又用李善鳴鳳朝韻贈叔範

其二

次善鳴韻贈別叔範赴謫

用闕下待批日聯句韻贈別洪叔範趙子直

相愚安子遠世徵高汝根晦安聖休相億同

竄五君子

上元夜與叔範同宿西江對月話別

其二

其三

其四

追次尹公度

世喜

韻寄權致道黃江新寓

其二

其三

其四

贈桃源宰柳仲進

以升

次李汝挺

汝漢

寄贈韻

次東里韻寄叔範

其二

自蒙湖舟向二山漁所口號

次答李汝挺寄示韻

相逢行

示漢儒

次漢儒登臺韻

次漢儒幸州韻

次漢儒登眺韻

客舍

漁興

自楊花渡歸向杏洲

次李景略寄贈韻

如愚溪八景爲李景略賦

其二

其三

其四

其五

其六

其七

其八

夜向鷗浦馬上口占

細雨終夕馬上有得

寄樂甫李兄沔陽閒居

馬上口占

送同寮李殿中世亨出宰黃溪

和北洞詩社諸益酬唱分韻得秋字

以請臺到太倉登公廨江樓示倉官金壽能

其二

太常衙坐醉次吳貫之道一相贈韻

終南夜坐聯句

五月又以請臺到太倉次金能之壽能韻

趙子直第次韻是夜與子三會宿

其二

張斗以世南寓舍次人韻

題金生瑾草堂

將赴黃溪曹萬聚設餞於其第洪九言佩壺而

來洪汝廓萬恢趙伯度持憲亦會是夜雪色

交輝懷思灑然九言先唱一絕坐間相與屬

和各成五篇

其二

其三

其四

元日

春雪

立春

宿直指寺別高汝根具濟伯時經

喜金翰卿鸞瑞來訪

贈別李泰卿向蓬山函丈謫所

疊山字韻贈別金翰卿

次洪道原天敘韻

曉覺

寒食登滌愁樓

入城後訪邊汝厚不遇

追渡唐浦次李仲章

寅 熾

李啓以

光 夏

申壽玉

琦 歸舟思余韻

其二

馬上口占

青山新軒夕讌

八月二十五日以親檢田野災實到石寒村

罷衙獨坐

九日

接同江

次宋叙九

疇 錫

相贈韻

追記上村舊遊寄青山宰

朴 世 雄

元日用戊午元日韻信筆自貽

其二

走寄邊汝厚鰲山行中

走次青山寄示韻

復用前韻寄青山求和

其二

懷仁道中

清州道中

自全義向温陽道中

自笑

曉覺

任城示王侔李仲章

臨別贈仲章

青陽道中

如愚溪訪李景略

燕岐道中

踰墨峙

黃溪歸路

青山陸家庄倭躑躅

罷官將歸登駕鶴樓次板上東岳韻

次朴丈惟棟贈別韻

雨中登羽化樓

滌愁樓又題

已未七月罷官歸洛求借空舍不得八月晦夕

始寄寓於終南下白江相公舊第九月一日

有作

秋雨

渡孔巖津

省仁室墓

檜洞檢校收稻

三月初二日向德山馬上口占

次權致道寄贈韻

其二

白馬江

山陰縣上官

自笑戲效香山體

遊智谷寺遇性脩上人論禪經

次李治甫禽寄贈韻

其二

其三

西村歸路

次卷中韻贈脩上人

其二

鑑湖歸路

洗硯亭

淨襟堂次松溪韻

夜坐

晝眠

水村集

換鵝亭夜坐

贈脩上人

脩禊亭夕眺

送春

水村集卷之二

詩

昌陵齋舍示汝瞻 癸丑

催花一雨近清明春半山庭細草生手把古書憑几
睡數聲幽鳥伴人鳴

夜坐次汝瞻韻

殘梅落後欲無詩寒勒山花未放時頗有一聲牕外
鳥月中春意報人知

次汝瞻韻

客舍門臨野水涯小庭零落有梅花東風更送黃昏

水村集

卷二

詩

一

月莫是孤山處士家

醉次洪于海萬宗贈韻

風流今日見詩豪天下神交卽我曹壯志圖南鵬擊
海歸心依北馬騰槽憐吾病抱文園渴愛爾才高屈
子騷月色正佳花正好肯辭把酒共持螯

和終南修稷詩

晉永和癸丑一千三百有餘年又逢癸丑之
春洛中羣賢修蘭亭故事會于終南山陰之
溪上甚盛舉也余以疾不與焉趙君子直洪
君子海歸而謂余曰吾儕之會者三十二人

以逸少叙文分韻賦詩自永和而始至咸而止
集以下輟而不續子盍爲一詩以足之乎余
應曰諾子之會千古之佳會也雖子不言固
將屬而和之歌而詠之况今有命余何敢辭
遂用是日詩令賦五言十韻以貽之

王謝風流遠古人不可及喜此終南會宛是蘭亭集
癸丑暮春者修稷人三十列坐茂林下祓除芳蘭執
清流激淙淙惠風和習習雅歌仍投壺禮飲欣拜揖
何必絲與竹幽谷鶯簧急相將詠而歸返照松間入
而我獨卧病掩門懷悒悒悠然望南山爲君賦新什

醉次于海所示諸公唱酬韻

城南今日叩衡門末路閒交獨爾存老去漸知詩律細病來猶愛酒杯温浮沉宦海真堪怕潦倒文園亦是恩一部丹經畱几上道情難與俗人論

昌陵齋舍次李可成商翼寄示韻

雪落歲云暮陽生春又來書因多病廢詩爲破愁裁且蠟登山屐同傾對月杯寧辭頻下榻時序數移灰

其二

擬續遂初賦長吟歸去來漁舟明月在野服白雲裁勲業空看鏡生涯且托杯嗒焉南郭子心灰已成灰

又和眠字韻

病蟄山齋夜蕭然獨不眠有官真是隱無語更疑禪燈盡殘花落窻虛缺月懸空餘訪戴興未上雪中船

其二

半壁山雲宿前庭野鹿眠人間那染俗僧至或談禪偶爾騎驢出欣然解榻懸相看幽興杳疑是泛虛船

其三

喜得與君語時時相就眠休誇詩入聖且愛醉逃禪薄宦如薪積貧居似磬懸江湖長在夢明月滿歸船

其四

盡日無人到幽齋擁褐眠洗心因玩易合眼豈參禪
振地寒風厲鳴簷暮雨懸烏巾雖折角將上李膺船

其五

一陣翻盆雨凜颼撼客眠憂時同魯婦忘世羨高禪
咄咄手書字搖搖心似懸中流失維楫風浪恐摧船

寄吳子明九星借道書

字誤黃庭漫謫居以官為隱數年餘多生習氣消難
得又向山人覓道書

次李皓卿漢翼

寥落寒山對小堂暮煙喬木望蒼涼冰凝古渡危橋

折雪覆層崖細路長君作書淫聊自樂我緣詩瘦亦
何傷天教居止相隣近三逕從今不就荒

其二

新詩草草為君成欲向南州賦遠征萬事風塵違宿
計十年湖海負前盟長吟白雪誰同調每見青山便
有情今夕可無留別飲小齋寒月十分明

暮行

棲鳥投林暝色生北風吹緊斷人行燒山野火輝輝
赤隔樹村燈點點明老馬自諳幽逕入小溪先報斷
橋橫更深月黑隋城下遙聽轅門鼓角聲

感懷

長擬南還未得還故園松竹鎖柴關風塵天下難開
眼歲月人間豈駐顏已識無才堪濟世未知何事不
歸山一雙白鳥洲邊立自在江湖美爾閒

遇雪

漠漠頑雲合紛紛大雪來勢豪埋地遍飛急舞風回
凍雀空林聚飢驂半道催仍思灞橋上携酒昔尋梅

伽倻寺

甲寅

扶杖沿溪石路幽居僧勸我數來遊千年古刹殘碑
在百尺危臺破塔留梅放佛窻春雪映鐘鳴梵閣夕

陽收重尋舊跡偏傷感新喪江南湯惠休

寺有詩僧印香乃余

舊交今來已亡

馬上口號

雲暗風淒日欲低行人匹馬 二陵西登高指點高
陽郡隔岸山村是碧蹄

將向桃源次汝瞻留別韻

峽口春殘黃鳥飛水行芳草上征衣漁舟一入桃花
洞願得移家去不歸

三月廿六日發向桃源出城作

遲進行色上東門立馬關王廟後村回首洛陽春欲

力村集
暮不因離別自消魂

馬上口占

細草茸茸綠未齊
野花開處野禽啼
斜陽馬上驚殘
睡激激前頭有小溪

其二

乳雉將雛隴麥青
杜鵑啼血野花零
東風匹馬揚州
路遊客行裝酒一餅

平丘驛感舊

世間存沒淚潛然
舊迹淒涼已五年
今日獨經曾宿
處杏花零落驛樓前

春江

楊柳青青江水流
閒花細草覆汀洲
漁人收網撐舟
去驚起波間雙白鷗

廿七日道中遇雨

東風弄輕陰
送雨春江渚
霏微濕落花
黯淡迷平楚
林間疾歸鳥
道上催行侶
逢人問前村
指點煙生處
漫吟

久識乾坤逆旅中
更憐身世似萍蓬
春來日日長爲
客才作西遊又向東

江上春雨

習習東風送雨來江花如錦水如苔如何倩得龍眠
手畫我披簑上峽廻

記見

帶雨春陰不肯晴漏雲殘日翳還明田原處處催耕
種桑葉初齊布穀鳴

春盡

春來春去太匆忙芳草萋萋客路長唯有杜鵑知我
意落花枝上怨西陽

夜直將作用蓀谷韻述懷

寂寥虛館一燈昏長樂鐘休早閉門月色半窗清睡

思鴈聲孤枕攪詩魂病無官况同山衲夢逐歸心在
水村昨有隣翁招我句野梅如雪酒盈樽

代贈 乙卯

楚楚衣裳淡淡粧乍移蓮步傍垂楊無端一疊傷春
曲惱殺門前駐馬郎

其二

雙鬟侍女愛風流含笑邀賓不解羞公子未回春日
暮小欄移席勸淹留

其三

掠削雲鬟整玉釵背人無語立前階香風一陣吹裙

帶微露雙彎紫繡鞋

汝厚第夏夜書懷用東坡定惠院韻

病暍三日如坐甌來向君家宿一夜君家住在南山
足脫巾露頂長松下涼生虛榻北風至月掛疎簾白
露瀉遮門楊柳萬條垂壓墻薔薇數枝亞囂塵苦見
窮鬼侵靜界欣憑睡魔借年來漸覺萬緣空此心已
向功名謝楊根峽裏水踰村欲傍清江結茆舍至樂
誰知濠上魚佳境應同虎頭蔗衣狗人情亦足羞滄
桑世事真堪怕秋風一棹沂龍津免被山中猿鳥罵

次樂甫

李憲

兄韻

聞道閒居趣山齋傍水開庭松封凍雪窻月寫寒梅
睡起時扶策詩成獨把杯平生卜隣約吾欲及春來
西江叔範寓舍贈別 丙辰

握手對君笑無語送君去唯應一片月照我相思處

又用李善鳴

鳳朝

韻贈叔範

天若不墜文未應吾道熄唯當素位行晚節看歸宿
其二

慘矣燎原火難將一杯熄未作蕭寺別先向西江宿
次善鳴韻贈別叔範赴謫

依依落月下江村坐對疎林睡鵲翻是日君行元自

水村集
定後來人事更堪論孤吟澤畔危蹤遠積毀朝端衆
口喧士所當爲寧止此笑分離袂莫消魂

用 闕下待批日聯句韻贈別洪叔範趙子直

相愚

安子遠

世徵

高汝根

晦

安聖休

相億

同

竄五君子

師門至痛竟誰伸欲以微誠感 玉宸事極傷悲堪
下淚語多狂妄共忘身危蹤凜若風前葉勁操清如
雪後筠爲折寒梅聊贈別一枝猶帶昔年春

上元夜與叔範同宿西江對月話別

黃昏來訪楚臣家寒勒江梅未放花悄悄相看清夜

永一輪春月隔窻斜

其二

清夜遲遲月滿臺更悲春色逐人來明日可堪千里
別一樽聊爲楚臣閑

其三

知君獨上望鄉臺遙見歸鴻北地來何處新詩秋更
好竹林疎雨橘花開

其四

江南逐客未還家無限歸心在落花春夜高樓君莫
上子規聲裏月西斜

追次尹公度

世喜

韻寄權致道黃江新寓

美爾人間早息交
掉頭歸去掩荆茅
名區煙月孤舟在
薄宦風塵弊屣拋
萬事于今供一笑
十年於世厭羣嘲
遙知漸發春江興
花滿前山酒滿匏

其二

清流翠樾影重交
中有君家蔭白茅
無主江山誰更奪
伴人麋鹿不相拋
行藏已得嗟何愧
志業雖垂莫自嘲
古器終非今世用
笑來吾輩貴陶匏

其三

唯君知我托心交
胸次恢疎不塞茅
事業經綸初妄

許風流詩酒未全拋
蘇秦憔悴時人厭
阮籍猖狂俗子嘲
自笑居然成濩落
世間無用魏王匏

其四

江到楊根二水交
此間曾結數間茅
靈臺風雨有何好
勝地煙霞無事拋
未脫是非高士笑
不如歸去野禽嘲
春來小艇江邊具
棲隱行裝只一匏

贈桃源宰柳仲進

以升

昨自桃花洞口還
至今魂夢在仙山
雲生絕壑崩崖底
月掛長松怪石間
峽裏有居皆靜散
郡中無事不清閒
春來鳧鳥迷歸路
流水殘紅處處斑

次李汝挺

汝漢

寄贈韻

柴門十日掩蒼苔
別後音書有鴈迴
燕子不來春寂寞
杏花將拆月徘徊
家貧媿我須微祿
年老憐君抱大才
多病廢書詩亦廢
和章今為故人裁

次東里韻寄叔範

逐臣消息苦難真
欲寄音書杳莫因
秦樹嶺雲驚別夢
楚蘭湘竹怨騷人
嗟君志節窮猶壯
憐我交情老轉親
想得春來詩更富
落花時節上樓頻

其二

夢裏相逢不是真
春風一面更何因
遙憐南海竹間

月來照東城
花下人聞道
殊方仍哭子
想應佳節倍思親
他年倘遂同歸約
村北村西杖屨頻

自棠湖舟向二山漁所口號

扁舟西下大江流
一瞥帆風過幸州
指點二山天際碧
暮潮初落夕陽收

次答李汝挺寄示韻

千尺奇巖半是苔
波搖石動水縈迴
春盡岸花飛寂歷
日斜江燕語徘徊
興滿湖山成浪跡
宦隨漁釣坐非材
獨倚短筇遙騁目
落霞如綺鏡中裁

相逢行

朝登大堤上佇立垂楊裏有美誰家子折花臨江水
天姿閒且都貌與花相似春風吹香袂縹緲空中舉
遙疑洛浦仙近訝漢濱女相逢情卽深相見心已許
腰間明月珠解佩持贈汝佳期在今夕借問家何處
引手指花間低眉笑不語

示漢儒

一宦江湖世已忘扁舟來去水雲鄉風濤拍岸潮聲
壯月浪涵空夜色涼掛席沙洲隨估客點燈煙浦伴
漁郎綠簑青箬生涯足投効明朝也不妨

次漢儒登臺韻

層巖高出白雲隈飛步超然獨上臺海舶遠依煙嶼
沒渚禽斜帶晚波回將軍片石山頭立公子危亭水
上閣指點長洲芳草路漁翁荷得一竿來

次漢儒幸州韻

孤舟來泊幸州城東望王京數十程水國花殘春
已盡海門潮落月初生村煙似縷微微白漁火如星
點點明何處鳴榔驚宿鷺一雙飛起帶波聲

次漢儒登眺韻

閒來舒嘯上東臯縱目江天氣岸豪列岫圍郊形簇
簇洪流朝海勢滔滔空聞仙子騎雙鶴何處神山戴

六鰲一縷遠風吹客袂夕陽歸路片雲高

客舍

客舍門臨野水涯綠楊枝外盡平沙
天邊落照明霞綺江上回風起浪花
傍岸帆檣多賈舶隔林籬落半漁家
簑翁釣罷歸來晚寂歷苔磯一逕斜

漁興

江柳依依江草齊漁家門外水平堤
携竿下去雲相逐移棹歸來日已低
雨過長洲雙鷺下煙籠曲岸一鶯啼
蓬窻睡起無餘事賦得新詩獨自題

自楊花渡口歸向杏洲

楊花渡口綠楊垂正是棠山日落時
極浦煙收孤島出歸潮風急片帆欹
頭回李使題名石指點權公勝戰碑
舟向杏洲洲上泊暮天新月已如眉

次李景略寄贈韻

棲棲何處可安身美子歸藏寂寞濱
骯髒已爲清世棄疎狂那免俗人嗔
高風邁古曾分宅豪義凌雲獨指困
未得從君湖海去媿吾塵土飽酸辛

如愚溪八景爲李景略賦

春覺先生杖屨閒行尋一逕野花斑
丁寧說與巖前水莫泛飄紅到世間

谷裏尋花

其二

有事西疇告及春夜來甘雨一犁均須知沮溺今猶
在休遣行人借問津 野外觀耕

其三

峩嶨山下錦江流載得瓢樽一葉舟醉與白鷗相伴
睡覺來閒興滿滄洲 泛舟江上

其四

自返嚴陵七里灘不曾魂夢到長安從知軒冕紅塵
樂輸與溪頭一竹竿 垂竹溪邊

其五

坐對無心出岫雲灑然元不染塵氛孤飛一片閒堪
愛此物終難把贈君 出岫孤雲

其六

皎然清影入山扉仰見東峰掛月輝為抱綠琴松下
石坐來涼露滿秋衣 掛嶺明月

其七

山路縈紆隱薜蘿聞聲始覺有人過誰知田野安閒
趣最在樵夫一曲歌 山頭樵歌

其八

牧童收牧下郊原簑笠歸來帶雨痕牛背夕陽三弄

遂晚風吹落隔溪村

牛背牧遂

夜向鷗浦馬上口占

冬夜黑無月北風天政寒雪沉寧辨路橋折更尋灘
曠野人煙絕平林鬼火看依然馬上睡草草暫憑鞍
細雨終夕馬上有得

如絲一雨忽霏霏來趁行人細濕衣遠樹籠煙看罽
歷孤村隔水望依微消殘酒力和寒吹句引詩情掩
夕暉清景自然堪入畫不妨終日擁簑歸

寄樂甫李兄沔陽閒居

丁巳

聞君高卧水雲鄉大海東頭闢小堂天際遠帆來賈

船雪中孤火照漁梁盆槎破臘梅花暖杯蟻浮春栢
葉香辜負剡溪清夜興漫教離夢落滄浪

馬上口占

潺潺石上小溪清磔磔林間孤鳥鳴暖草回青微雨
過暮山凝碧淡煙生携壺野客騎驢去帶饁田翁叱
犢行不待覓詩詩自就眼邊春物揔詩情

送同寮李殿中

世亨

出宰黃溪

臺栢沉沉未散鴉曉霜常滿殿中靴爭分黑綬吾猶
後能得黃溪子可誇官榻有時山送月訟庭無事雨
霑花唯應駕鶴樓頭倚頻爲思親北望家

和北洞詩社諸益酬唱分韻得秋字

門掩終南斷舊遊
送春風雨忽如秋
休將竹葉憑高望
爭奈桃花逐水流
百轉殘鶯驚別夢
一蹊芳草喚羈愁
何當携手同歸隱
桂樹叢生萬壑幽

以請臺到太倉登公解江樓示倉官金壽能

前村隱約夕陽明
十里長洲細雨晴
燕子不來春已半
杏花將發月初生
筵開江漢人如玉
筆落雲煙畫有聲
聞道太倉官釀熟
一樽今夜對君傾

其二

青山影落小樓虛
酒店漁村夾岸居
花信乍催微雨

後水光遙蕩夕陽初
公餘有客時開釀
衙罷無人可讀書
始信太倉多好事
問君詩興近何如

太常衙坐醉次吳貫之道一相贈韻

索居無奈病來纏
公故相逢亦勝緣
美酒盈樽斜日夕
殘春過雨落花天
詩情子獨超塵累
世事吾今欲醉眠
且待身閒成夜會
滿窗明月一床連

終南夜會聯句

接屋對終南
仲大日夕相邀迓
青眸在盍簪
壽玉白戰期並駕
芝蘭襲餘薰
翰卿珠玉騰殊價
聯芳似二陸
漢儒儷美同兩謝
握手膽已照
大論心腔共瀉
晤語屬良夜

壽清和屆初夏連床剪華燭翰 舉幌敞虛榭煙消月

窺簷漢 露浥花眠架天階星靨靨大 庭樹烏啞啞散

步詠苔砌壽 列坐飲茅舍豪氣酒為狂翰 逸思詩爭

伯意匠役景物漢 詞鋒驅造化媿媿玉塵翻大 兀兀

角巾亞高論擺俗累壽 真態洗權詐請看行路難翰

能使人心怕火起玉俱焚漢 水混沙競射狐假猛虎

威大 鴟得腐鼠嚇見幾高蹈遠壽 昧樞奇禍嫁壯圖

成濩落翰 長嘯足悲吒歸夢繞松楸漢 閒興牽桑柘

為問憶鱸行大 何如斬馬借仍吟北風詩壽 願同西

疇稼垂綸碧溪上翰 理屐青山下將隨野鹿羣漢 肯

教海鷗訝清談到漱石大 佳境如噉蔗今宵真可惜

壽 此會亦堪詫聚散浮雲易翰 光陰飛電乍他年莫

相忘漢 蘇子彭城夜大

五月又以請臺到太倉次金能之壽 韻

波心篔影落婆娑興入漁舟欸乃歌浦澈起風潮水

急江湖滿地夕陽多行藏有道非關數憂樂由吾不

在他始信滄浪隨白鳥絕勝京洛醉紅氊

趙子直第次韻是夜與子三會宿

有客來從漢水潯相看脉脉故情深窻堆紅葉懸燈

坐樽泛黃花對月斟滿地江湖存晚計十年塵土負

初心憑君細話幽居趣一夜詩魂繞碧岑屬子三

其二

聞君新築小溪濶紫洞煙霞世外深蓬戶慣迎山月
照松醪時對野花斟官同蕉鹿應知足經有庖犧可
洗心寫出輞川清絕景媿吾詩律乏高岑屬子直

張斗以世南寓舍次人韻

終南山色滿前簷病客秋懷一倍添舉世即今多白
眼小庭終日伴蒼髯詩因率意聊孤詠酒為排愁或
強拈獨有東隣張仲蔚短筇來往不吾嫌

題金生瑾草堂

驢背詩情雪裏生野山朝日漏雲明茆堂梧竹琴書
淨湖海生涯美爾清

將赴黃溪曹萬聚設餞於其第洪九言佩壺而

來洪汝廓萬恢趙伯度持憲亦會是夜雪色

交輝懷思灑然九言先唱一絕坐間相與屬

和各成五篇一首刪

離筵詞客集如雲紅燭清樽夜欲分此會世間難再
得莫辭畱到曉鐘聞

其二

寒天雪後淨無雲明月今宵照十分珍重一樽偏惜

別故人詩句不堪聞

其三

黃溪峽路馬穿雲雲氣山嵐近不分自是仙區塵事絕此中清景幾人聞

其四

駕鶴高樓出白雲樓前樹色遠橫分最是伽藍長在眼月中清磬隔江聞

元日 戊午

忽佩黃溪印仍看白峙春椒盤初頌歲栢酒已隨人事業文章晚生涯甲子頻唯餘何遜興東閣見梅新

春雪

一陣東風雪遙從駕鶴來蕭騷偏響竹皎潔欲爭梅冰凍蛟龍筆花濃琥珀杯溪山看更秀扶病爲登臺

立春

我有新年祝題將帖子憑陽回時更泰雨洽歲仍登山水清遊足詩書素業增愆尤無一點心境保如冰

宿直指寺別高汝根具濟伯 時經

黃昏騎馬度林丘松檜深深洞壑幽遙望佛燈明古殿更看溪月上層樓僧迎客至深宵坐山到春來積雪留千里偶成蕭寺會未分離袂已生愁

喜金翰卿鸞瑞來訪

離索南鄉歲事移爲君今夕始開眉
春宵細雨懸燈話宛是終南結榻時

贈別李泰卿向蓬山函丈謫所

悲秋未已又春還淚灑三湘五嶺間
自是風颺道不阻送君今日到蓬山

疊山字韻贈別金翰卿

春生湖外鴈初還清渭終南在夢間
君從駕鶴樓前去今夕詩成何處山

次洪道原天敘韻

草草坐相對忽然詩思新孤燈虛閣夜
微雨大江春酒態休教笑交情倍覺親
他年尋勝跡此會摠詞人

曉覺

病枕睡不安羈夢驚初曉半壁孤燈淡
虛窻片月皎寂寞無餘聲宿鳥鳴寒篠
披衣起獨坐心境自悄悄久爲形役勞
厭從塵務擾偶此作吏隱地僻喜事少
曾聞至人言一氣中夜皦願言養而復
謝世萬緣了何處姑射子悵然懷物表

寒食登滌愁樓

江南客子倦春遊寒食東風獨倚樓
欲滌旅愁愁不

盡夕陽芳草喚生愁

入城後訪邊汝厚不遇

客自黃溪來衣上青山雨長安寒食過杏花猶未吐
終南故人宅依舊門前柳我來君不在獨立延佇久
沉吟日欲暮山翠滿虛牖

追渡唐浦次李仲章

寅 赫

李啓以光 夏申壽玉

瑞歸舟思余韻

黃昏立馬望歸舟初月如眉已上洲無限離愁將逝
水一時西向海門流

其二

春風獨上木蘭舟來泊江南芳草洲搖蕩離魂尋不
得落花隨浪正西流

馬上口占

小溪流水落花多幽逕無人野鳥歌馬上午來春睡
重青山一半夢中過

青山新軒夕讌

一曲清歌酒一樽對君今夕醉昏昏留連不是牽春
色爲愛青山繞小軒

八月二十五日以親檢田野災實到石寒村
昨夜秋霜下前山一半紅斜陽衰草裏匹馬小溪東

極目田原赭傷心杼柚空茫然活民策無語倚西風
罷衙獨坐

日落衙初罷門前鼓角休鳥棲官樹靜人散訟庭幽
民事憂荒歲歸心感暮秋蕭然仍獨坐微月照簾鉤
九日

客裏翻傷今日來又因多病未登臺清樽浮蟻誰同
酌佳菊迎霜尚不開滿目溪山秋色暮回頭天地夕
陽催終南渺渺音書斷千里湖西旅鴈哀

接同江

駐馬臨流喚渡催一年三度此江隈舟人迎我仍相

問何事風波數往來

次宋叙九

疇錫

相贈韻

節彼巖巖恣彼泉幾年天秘待人賢武夷溪播雲臺
詠安樂窟傳擊壤編萬事滄桑驚忽變一麾山水敢
云專摳衣久隔春風坐回首蓬壺獨自憐

追記上村舊遊寄青山宰

朴世雄

載酒携琴逸興加冷泉歸路雪飛花穿雲乍入神仙
窟帶月仍回釋子家天關大羅千嶂合人通小有一
溪斜丁寧爲結漁樵約莫把真源向世誇

元日用戊午元日韻信筆自貽

己未

絕峽重淹歲殊方再見春宦遊慚隱吏家食羨閒人
疾病思歸切田園入夢頻盈樽有栢酒誰與共迎新

其二

自愧終無聞居然四十春風塵最下士天地一陳人
心事忘機久身謀落魄頻祗今明鏡裏唯得髮絲新

走寄邊汝厚鰲山行中

縣齋三日得同眠青眼相逢喜欲顛握手酣歌真偶
爾轉頭離恨已茫然天涯雪裏春生峽窗外梅梢月
掛煙歸路可能重訪否鶴樓清景政堪憐

走次青山寄示韻

爽氣西山拄笏頻幾時歸作葛天民野花啼鳥依然
在孤負田園二載春

復用前韻寄青山求和

青衫破帽走塵中潦倒平生媿略同會遂煙霞歸老
約結茅分占水西東

其二

江上青山入夢頻我生元是一閒民幽禽喚起歸田
興煙雨霏霏滿眼春

懷仁道中

攀登犖确倚孤筇勝地初從險處逢山勢挿天看翠

水村集
翠水聲如雨聽淙淙陰崖尚帶前冬雪幽壁仍留太古松兀坐超然舒一嘯層雲落照盪心胸

清州道中

二月江南春可憐晚來風日更清妍幽泉咽咽林中澗細麥青青壠上田花信乍傳前夜雨客行催赴遠村煙迢然忽起歸山與東峽何時理小船

自全義向溫陽道中

路入梧桐小峴西獨騎羸馬信行蹄茫茫曠野逢人少漠漠平林有鳥啼節序如流寒食近道途無際夕陽低江南二月王孫草句引鄉心處處迷

自笑

自笑無端過一生向來何事苦經營心存文學終難就志在君民已不成乾沒風塵羞薄宦退休江海負初盟如今遲暮還多病贏得春來兩鬢明

曉覺

病移衾枕寄禪房夜靜微風送佛香清磬一聲驚客夢滿庭晨月白如霜

任城示主倅李仲章

搖蕩羈魂散未收倦遊王粲幾登樓殊方忽漫逢君別佳節何曾爲我畱芳草連天歸馬遠雜花生樹亂

水木集
鶯流離筵莫奏傷春曲曲到傷春更惹愁

臨別贈仲章

梅花落後別黃溪山杏開時向會稽遙想峽中春正好小樓煙月子規啼

青陽道中

青陽官路向青山二月行人三月還到得峽中頻駐馬杜鵑花發水潺潺

如愚溪訪李景略

踏石穿林更渡溪喜君於此得幽棲他時準擬重來訪只恐桃花使客迷

燕岐道中

雨過青林谷鳥吟濕雲留作半邊陰東風習習吹歸袂落日亭亭下遠岑已覺吾行爲客久漸看春色在途深向來咄咄書空恨馬上無端盡到心

踰墨峙

又涉懷仁路崎嶇苦厭山棧懸行樹杪磴迥出雲間盡日勞攀陟終朝冒險艱行逢清絕境時自破愁顏

黃溪歸路

習習和風拂面吹垂鞭不語馬行遲仍逢水秀山明處政值紅稀綠暗時春晚野橋鶯睨日斜溪路燕

差池偶緣公事頻來往休道閒遊覓好詩

青山陸家庄倭躑躅

前年四月六日路過此地馬上望見誰氏堂
前奇花一樹帶雨方濃爲之駐馬賞玩而去
所謂看竹何須問主人者也今年五月廿七
日自管城按獄而回行過此堂花又方盛望
之忻然款門卽訪亦可謂今年花似去年好
者也徘徊嘯詠不覺日斜年年來看已是異
事而早開晚開有若待余而爲之者甚可奇
也不可不記爲詠二絕一首逸

名花恰似美人粧獨立亭亭媚夕陽絕勝羅浮山下
路夢中虛對雪中香

罷官將歸登駕鶴樓次板上東岳韻

一曲清溪萬疊山夕陽移席更臨灣應知去後秋宵
夢長在層松亂石間

次朴丈

惟棟

贈別韻

道直寧辭黜才疎合罷官初衣知計遂末路貴名完
溧水真同孟陽山遠讓韓臨行慙父老離酌不成歡
雨中登羽化樓

丹樓縹緲望如霞十里秋沙細雨斜清福祇今猶不

水村集
盡罷官歸路亦仙家

滌愁樓又題

去年寒食滌愁樓七夕今年又滌愁浮世客遊真似
夢故園歸路更逢秋茫茫曠野人稀去漠漠繁陰雨
未收徙倚曲欄無語立醉來天地入搔頭

已未七月罷官歸洛求借空舍不得八月晦夕

始寄寓於終南下白江相公舊第九月一日

有作

繞樹飛三匝無人借一枝羈遊欣始托棲息晚能移
地僻園林靜磳深洞壑奇萍蓬誰得定隨處寄生涯

秋雨

一夜終南雨層崖洗更青寒聲生古樹秋色滿虛扁
墨墨成孤憤涼涼笑獨醒祗吟詩自苦添得鬢星星
渡孔巖津

招招舟子促雙篙潮退空江水勢豪西望海門秋色
晚白蘋風冷鴈飛高

省下室墓

寂寞野村傍孤墳秋草荒山如雙感黛溪似九回腸
地下君奚識人間我自傷西風數行淚無語對斜陽
檜洞檢校收稻

旱澇今年甚飢荒此地增天憐數口秋賜一田登
刈取奚僮力輸歸老特能村隣盡流散來賀有山僧

三月初二日向德山馬上口占

庚申

春愁和夢亂如麻芳草超超客路賒漢水津頭攀柳
絮廣陵城外見桃花行葦獨羨安巢鳥歲月頻驚赴
壑蛇形役半生雙鬢白媿來塵世負丹砂

次權致道寄贈韻

離懷悄悄苦難舒雲樹相思二載餘天末幾成三夜
夢春來忽得數行書幽花亂落漁人水垂柳深葦處
士居聞道山陰可乘輿會移孤棹月中於

其二

半窻花影月微舒清夜空齋睡起餘有口不須招隱
詠無心豈必絕交書官辭峽裏煙霞窟夢落江濱水
竹居何日得成分華約子於山北我南於

白馬江

千古興亡迹似鴻我來臨眺大江空落花巖上霏霏
雪猶作飛花落晚風

山陰縣上官

滿園脩竹一庭梅公署蕭然面水開彭澤琴樽元亮
至封丘嘯詠達夫來自知素乏千金價誰道初非百

里才作吏於焉聊可隱會稽山下鏡湖隈

自笑戲效香山體

自笑西陵十載郎又除巖邑極淒涼官因數易無儲蓄民爲頻饑半在亡堆案簿書愁未了滿盤蔬菜苦難嘗天涯歲月空催暮唯得青銅兩鬢霜

遊智谷寺遇性脩上人論禪經

辛酉

坐見春事晚偶入春山行行行緣石磴愛隨湖水明層層躑躅紅磔磔幽鳥鳴無人古渡頭小艇呼僧撐有寺隱松竹隔水聞磬聲塵埃不染地到來心境清况遇修道人澹然遺世情手持貝葉書爲我譚無生

幽賞愜素襟不知西日傾自愧縛微官奔走苦營營人生貴適意達者嗤殉名出洞一長嘯回首山煙橫

次李治甫翁寄贈韻

鏡湖明月帶吾情幾度春來照洛城縱有清宵無限興小舟難作訪君行

其二

脩竹茂林湖榭淨古松層壁佛宮幽溧陽老尉人爭笑不在山顛在水頭

其三

青山環擁水縈迴竹裏朱欄向岸開盡日獨登仍獨

水村集
下一春孤負對花杯

西村歸路

鏡湖春水綠侵磯沙鳥驚人格格飛信馬不知歸路
永會稽山下已斜暉

次卷中韻贈脩上人

目裏名山在三春負一探鶴歸雲外洞花落月中庵
忽罷煙霞夢仍聞水石談明朝雙蠟屐定欲與僧南
右用白軒韻

其二

我夢仙山已幾巡化爲孤鶴翅如輪雙溪水遶臺前

月千樹花開洞裏春向夜煙霞猶在目祇今朱墨未
抽身一筇天地無羈絆物外閒遊媿上人

右用白
江韻

鑑湖歸路

細雨初收芳草青鑑湖十里花冥冥斜陽信馬獨歸
去夾岸流鶯和睡聽

洗硯亭

梧桐影畔小亭空烏竹叢中百日紅獨倚藤床成午
睡一池荷葉動微風

淨襟堂次松溪韻

小縣依林麓蕭然不似官堂清襟自淨溪近夏猶寒

竹籟侵虛榻花香滿曲欄到來仍獨坐山日下簾端

夜坐

怪來春思忽如秋清夜鶻聲喚客愁寂歷東風花落
盡月移山影在江樓

晝眠

佳雨廉纖不放晴縣齋長日寂無聲吟詩未就仍成
睡心境閒時夢亦清

換鵝亭夜坐

夜來懷思自悽悽鏡水滔滔更向西獨倚畫欄眠不
得萬山明月子規啼

贈脩上人

蕭然一衲寄山中胸次無塵水鏡空自幸會稽王內
史蘭亭坐上有支公

脩稷亭夕眺

欲散閒愁未自由杖藜徐步上高丘蒼然暮色生江
樹一點漁燈照碧流

送春

桐花亂落小堂前簾額微風燕子眠莫歎芳菲都已
謝綠池荷葉已浮錢

水村集卷之二

